

К ОПУБЛИКОВАНИЮ

КОМИ РЕСПУБЛИКАЛӨН

ОЛАНПАС

**Коми Республика мутасын канму контроль (дөзьөр) да
муниципальной контроль котыртан да збыльмөдан юалөмьяс серти
Коми Республикаса өткымын оланпасө
вежсьөмьяс пыртөм йылысь**

Примитөма Коми Республикаса

Каналан Сөветөн

2021 вося лөддза-номья төлысь 24 лунө

1 статья. Пыртны «Коми Республика мутасын канму контроль (дөзьөр) да муниципальной контроль котыртан да збыльмөдан юкөнын өткымын юалөм йылысь» Коми Республикаса Оланпасө (Коми Республикаса канму власьт органьяслөн индөд-тшөктөмьяс, 2009, 21 №, 372 ст.; 2011, 37 №, 981 ст.; 48 №, 1370 ст.; 2015, 4 №, 32 ст.; 2016, 22 №, 346 ст.) татшөм вежсьөмьяс:

1) водзкывйын:

а) медводдза абзацын:

«Тайө Оланпасөн» кывьяс бөрын содтыны «Россия Федерацияын канму контроль (дөзьөр) да муниципальной контроль йылысь» Федеральной оланпас (водзө – Федеральной оланпас),» кывьяс;

«Коми Республикаса олөмө пөртясь власьт органьяслы» кывьяс вежны «Россия Федерацияса субъектьяслөн канму власьт органьяслы» кывьясөн;

б) мөд абзацө «кутшөмын наөн вөдитчөны» кывьяс бөрын содтыны «Федеральной оланпасын,» кывьяс;

2) 1 статьяын:

а) 1 юкөн гижны тадзи:

«1. Коми Республика мутасын федеральной канму контроль (дөзьөр), кутшөмөс збыльмөдөм серти уджмогъяссө сетөма Россия Федерацияса субъектъяслөн канму власьт органъяслы, збыльмөдсьө федеральной канму контроль (дөзьөр) сикас йылысь положение серти, кутшөмөс вынсьөдө Россия Федерацияса Веськөдлан котыр, а сідзжө сэк, кор колө, федеральной канму контроль (дөзьөр) сикас йылысь положение серти, кутшөмөс вынсьөдө Коми Республикаса Веськөдлан котыр.»;

б) 2 юкөнын:

медводдза абзацын «административной уджаланартъяс серти» кывъяс вежны «дінму канму контроль (дөзьөр) сикасъяс йылысь положениеяс серти, кутшөмъясөс вынсьөдө Коми Республикаса Веськөдлан котыр» кывъясөн;

мөд абзац киритны;

в) 3 юкөнын «административной уджаланартъяс серти» кывъяс вежны «муниципальной контроль сикасъяс йылысь положениеяс серти, кутшөмъясөс вынсьөдөны федеральной оланпастэчас серти» кывъясөн;

г) 4 юкөн киритны;

3) 2 статья киритны;

4) 4 статья гижны тадзи:

«Статья 4

1. Канму контроль (дөзьөр) юкөнын Коми Республикаса Каналан Сөветлөн уджмогъяс лыдө пырöны:

1) канму контроль (дөзьөр) юкөнын Коми Республикаса оланпасъяс примитөм да наö кутчысьөм да найöс олөмө пöртөм бöрся видзөдөм;

2) мукөд уджмог, кутшөмөс федеральной оланпастэчасөн пыртөма Россия Федерацияса субъектъяслөн оланпас пыртысь (бöрйөм) канму власьт органъяслөн уджмогъяс лыдө.

2. Канму контроль (дөзьөр) юкөнын Коми Республикаса Веськөдлан котырлөн уджмогъяс лыдө пырöны:

1) Коми Республика мутасын канму контроль (дөзьөр) юкёнын өтувъя канму политика збыльмөдөм, сы лыдын дінмусянь канму контроль (дөзьөр) збыльмөдігөн гражданагысь, организациясыгысь инөдъяс могмөдан юкёнын;

2) Коми Республика мутасын дінмусянь канму контроль (дөзьөр) котыртөм да збыльмөдөм;

3) Коми Республикаса олөмө портысь власьт органъясөс индөм, кодъяслы сетөма дінмусянь канму контроль (дөзьөр) збыльмөдөм серти уджмогыяс, налысь котыртан тэчассө, уджмогыяссө, могыяссө, налөн уджлысь пöрадоссө урчитөм да Коми Республикаса индөм олөмө пöртысь власьт органъясса чина йöзлысь лыддөг да налысь уджмогыяс индөм;

4) федеральной канму контроль (дөзьөр) сикасыяс йылысь положенияс вынсьөдөм, кутшөмъясөс збыльмөдөм серти уджмогыяссө сетөма збыльмөдөм вылө Россия Федерацияса субъектыяслөн канму власьт органъяслы, Федеральной оланпасөн урчитөм случайын;

5) дінмусянь канму контроль (дөзьөр) сикасыяс йылысь положенияс вынсьөдөм;

6) дінмусянь канму контроль (дөзьөр) сикасыяслы быть колана корөмъяссө лоны вермана торкалөм серти индикаторъяслысь лыддөгыяс вынсьөдөм;

7) дінмусянь канму контроль (дөзьөр) сикасыяслы контроль сикасыяслысь медшөр петкөдласъяс да налысь торъя мога значениеяс, индикативной петкөдласъяс вынсьөдөм;

8) Россия Федерацияса оланпастэчас да Коми Республикаса оланпастэчас серти мукөд уджмог.

3. Канму контроль (дөзьөр) юкёнын Коми Республикаса Вескөдлан котырлысь уджмогыяссө, кутшөмъясөс индөма тайө статьялөн 2 юкёнын, збыльмөдө Коми Республикаса Вескөдлан котыр ачыс либө (тайө статьялөн 2 юкөнса 1, 3 – 7 пунтыясын индөм уджмогыяс кындзи) сыөн уполномочитөм Коми Республикаса олөмө пöртысь власьт органъяс.».

2 статья. Пыртны «Коми Республикаса Юралысь, Коми Республикаса Вескӧдлан котыр да Коми Республикаса олӧмӧ пӧртысь власьт системаын органъяс йылысь» Коми Республикаса Оланпаслӧн 21 статьяӧ (Коми Республикаса канму власьт органъяслӧн индӧд-тшӧктӧмъяс, 2013, 41 №, 796 ст.; 2014, 26 №, 493 ст.; 29 №, 574 ст.; 33 №, 664 ст.; 2015, 7 №, 75 ст.; 12 №, 159 ст.; 20 №, 249 ст.; 2016, 1 №, 7 ст.; 4 №, 43 ст.; 47 ст.; 6 №, 76 ст.; 12 №, 156 ст.; 17 №, 224 ст.; 233 ст.; 18 №, 253 ст.; 21 №, 325 ст.; 2017, 4 №, 64 ст.; 13 №, 229 ст.; 26 №, 462 ст.; 27 №, 488 ст.; 2018, 4 №, 58 ст.; 6 №, 92 ст.; 101 ст.; 10 №, 173 ст.; 14 №, 227 ст.; 19 №, 352 ст.; 2019, 7 №, 87 ст.; 11 №, 147 ст.; 18 №, 270 ст.; 2020, 22 №, 362 ст.) татшӧм вежсьӧм:

2 юкӧнса 13 пункт гижны тадзи:

«13) индӧ Коми Республикаса олӧмӧ пӧртысь власьт органъясӧс, кодъяслы сетӧма дӧнмусянь канму контроль (дӧзьӧр) збыльмӧдӧм серти уджмогъяс, урчитӧ налысь котыртан тэчассӧ, уджмогъяссӧ, могъяссӧ, налӧн уджлысь пӧрадоксӧ да индӧ Коми Республикаса индӧм олӧмӧ пӧртысь власьт органъясса чина йӧзлысь лыддьӧг да налысь уджмогъяс;».

3 статья. Тайӧ Оланпасыс вынсялӧ сийӧс официальной йӧзӧдӧм бӧрын дас лун кольӧм мысти.

Коми Республикаса Вескӧдлан котырлы примитны тайӧ Оланпас збыльмӧдӧмсӧ могмӧдысь нормативной инӧда актъяс.

Дӧнмусянь канму контроль (дӧзьӧр) сикасъяс йылысь положениеяссӧ колӧ вынсьӧдны 2022 вося тӧвшӧр тӧлысь 1 лунӧдз. Контроль сикасъяс йылысь индӧм положениеяссӧ вынсьӧдтӧдз, но 2022 вося тӧвшӧр тӧлысь 1 лунысь абу сӧрджык вӧдитчӧны «Канму контроль (дӧзьӧр) да муниципальной контроль збыльмӧдӧгӧн юридической кывкутысьяслысь да асшӧр уджалысьяслысь инӧдъяс дорйӧм йылысь» Федеральной оланпасӧн да сы серти примитӧм нормативной инӧда актъясӧн.

Коми Республикаса Юралысь

В.В. Уйба

Сыктывкар

2021 вося лӧддза-номъя тӧлысь 29 лун

38-РЗ №